

लक्ष्मी

व्यवसायिक पत्रकारिता, थींच्या आवश्यकता

LAHANA WEEKLY

वा:पौ

साःगु भिंगु मरिचरिया नितिं
लुमंका दिसँ ।

लक्ष्मण गामाल 'चिलंमि'
प्रोप्राइटर

लाखा छँ

LAKHA CHHEN



सोह्रखट्टे, वडा नं. १६, येँ, फोन नं.: ४३६०७५८

ਧੁਗੁਸੀ ਧੈਂਧਾ: ਮਜੁਫੁਗੁ ਜੁਲ

याय्माःबु पूजा जक यावाः विधि पूर्वकीबु

लहना संवाददाता

जुड़ला वा मजुड़ला धङ्गु अलमल्या दथुइ अन्ततः थुगुसी ईन्द्रजात्रा अर्थात् यैयाः नं मन्याइगु हे जूगु दु । कोभिड १९ महामारीया मारयू तःगु नेवाः जात्रा व पर्वया दथुइ यैयाः नं लाइगु निश्चित जूगु दु । ईन्द्रजात्रा व्यवस्थापन समितिया नायः लिसें कुमारी माजुया चिताइदार गौतमरत्न शाक्यं थुगुसी पिने हुलमुल जुइगु छुं हे गतिविधि मजुइगु व दुने यायूमाःगु जक पूजा यानाः जात्राया औपचारिकता पूर्वकेंगु धयादीगु दु । वय्कःया धापूकथं थुगुसी यः सिं थनेगुनिसं थःनेयाः, क्वःनेयाः, नानिचायाः कथंया हल मूनाः यायूमाःगु जात्रा छुं हे मजुइगु निश्चित हे जूगु दु ।

छुं दिं न्ह्यः च्वांग ईन्द्रजात्रा व्यवस्थापन समितिना वैठक्युं न दक्खिं धइथें थुगुमी जात्रा मयायगु हे बांलाइगु धागु खः । थ्वयां न्ह्यः अवस्थां साथ ब्यूसा जात्रा यायगु नितिं तयारी न जुयाच्वंगु खः । यःसिं हयगु नितिं केन्द्रीय मानन्धर संघ व गुर्जु पल्टनया प्रतिनिधि यःसिँगु वनाः ग्वंपजा क्वचायकेधुंकगु द ।

ल्यं ७ पेजय्

थुकि द्नुने



पार्टी की सत्ता
उपेश महर्जन

- 2 -



‘मैंचा’या आगं खँ

बिराजकाजी राजोपाध्याय

—

कोरोना महामारीया दथुइ फुटबल
प्रजीत शाक्य

-3-



ब्लो-अप

बिन शाक्य

बेली डान्सर

लुखाय् हे सामाजिक सुरक्षा भत्ता



यल महानगरपालिका-१६ वडायु छैल्यु वनाः सामाजिक सुरक्षा भत्ता इनाच्चंम्ह वडा दुजः पञ्चबज्र बज्राचार्य ।

यलया न्याखाचुक। अनया ७६दै दुह
लक्ष्मीदेवी बज्राचार्यया जबःगु तुति चलय
मजगु समसयाया हुनि स्वाहाने थहाँकुहँ
जुमपु। तुताया ग्वाहालिइ वयकः मुस्किर्ल छू
कोथां मेगु कोथाय वनी। सुथन्हापां वयकःया
छैय सःगु इलय छ्यस्हेस्यां इयांलं स्वयाः
धाल, 'कुने सु खः ? सुयात मालागु ?' उगु
इलय यल महानगरपालिका-१६या वडा दुजः
पञ्चबज्र बज्राचार्य लिसः बियादिल, 'जिपिं
छैय वयाः सामाजिक सुरक्षा भत्ता (बृद्धभत्ता)
इना वयाच्चनागु।'

लक्ष्मीदेवीया छ्य् थ्व स्वयां न्ह्यः लाइन
च्वनाः बैक्य् थः अजिया नाम्य् सामाजिक
सुरक्षा भत्ता काः वनेगु याना च्वंगु खः । बैकं भत्ता

कायूत सम्बन्धित मनुहे उपस्थित जुडमाःगु धायु वं वयकल भत्ता कायुगु आसा हे भयायुधुंकूगु खः । तर छैँ छैँय वयाः सामाजिक सुरक्षा भत्ता ब्युवयवं वयकः तसकं लयूताल । वयकलं धयादिल, जिपिं भत्ता कायुमाःपिं परिवार ला मखु । अथेखःसां छैँतक वयाः बियादिल । आः थ्व भिन्निद्रः सामाजिक ज्यायु खर्च यायु ।’

बजाचार्यायत भत्ता बीधुकाः नृत्यनाथ
देगः त्वाल्यु थ्यन । 'ज्वज्जला पाद ! जिपि
वडापाखें ज्येष्ठ नागरिक भत्ता इना वयाच्चवानु
खः ।' वडा दुजः बजाचार्यं छैय् च्वनाच्च्वम्ह
७९ दुम्ह माइला शाक्ययात धयादिल, 'थ्व
हे इवल्यु छितः नं ब्यु वयाच्चवानु दु ।' छैय् हे
वयव्यं वयकः दंग जयादिल । *ल्यं ७ पेज*

ल्यं ७ पेजय

... Binod Maharjan ...
9841369552, 9808644666

बि.आर्ट्स

B. Arts

Nayabazar, Kirtipur-17

- * Banner, Flex Board
- * Glow Sign Board
- * Sticker Cutting / Printing
- * Screen/ Rubber Print
- * Self-ink/ Rubber Stamp
- * PVC(ID)/ Visiting Card
- & all kinds of press works

Nayabazar, Kirtipur
☎ 4335491, ✉ b.arts4335491@hotmail.com



सम्पादकीय

स्वनिगल्य
आइसोलेसनया व्यवस्था

स्वनिगल्य कोरोना भाइरस (कोभिड-१९)या संक्रमित जूपिनिगु ल्याः अप्वया वनाच्वंगुलिं थनया मनूत चिन्तित जुजुं वनीगु स्वभाविक खः। थुगु इलय नाकाय कडा जाँच यानाः जक स्वनिगः दुकायगु खँ जोरदारकथं न्हयःने हयाच्वंगु दु। थुकियात प्रभावकारी ढंग कार्यान्वयन यायूमफयाच्वंगु इलय स्थानीय सरकार कोरोना संक्रमित खनेदुथाय सिल यायगुलिसें कन्द्याक्ट ट्रेसिड यायगु ज्या जुयाच्वंगु दु। थजाःगु अवस्थाय स्वनिगः विशेष यानाः यँया अप्वः धइथें थाय सिल जुजुं वनाच्वंगु दुसा थ्यंमथ्यं लकडाउनया अवस्थाय वनाच्वंगु दु।

सामाजिक दूरी कायम यायगु, मास्क तयगु, सेनिटाइजरया छु यलाबुलालिसें आपालं सावधानी नालाच्वंगु खनेदुसां न्हियांनिहथं स्वनिगल्य कोरोना संक्रमित जूपिनिगु ल्याः भन्भन् अप्वया वनाच्वंगु दु। थुकिया नितिं स्वनिगःया स्वंगुलिं जिल्ला प्रशासन ज्याकुथिपाखें निर्देशिका पत्र हे जारी यानाः निर्देशित ज्याया धलः हे पित बियाः उकियात पालना मयाःसा कडा कारवाही यायगु ख्याच्वः तर्क बीगु ज्या जुइधुकुगु दु। उकियात कार्यान्वयन यायगु ज्याय पलाः न्हयाकाच्वंगु दु, तर गुलितक ताः लाइगु खः, अले स्वनिगःबासीपिन्सं गुलितक साथ बीगु खः, व स्वयं ल्यंदनि। तर थ्व खँ सत्य खः कि स्वनिगल्य कोरोना संक्रमित जूपिनिगु ल्याः अप्वया वँव अस्पतालया बेड अभाव जुजुं वनाच्वंगु दु। थुकियात कयाः स्वास्थ्य मन्त्रालयं बेडया अभाव जूगु खँ न्हयथसें निजी अस्पतालय स्वीकृति कयातःगु बेडया स्वब्वय छव्व कोरोना संक्रमितपिनिगु नितिं फ्यायूमाःगु निर्देशन जारी याःगु दु। अथे हे छुं न अस्पतालय कोरोना संक्रमित लुल धाःसा मेमेगु अस्पतालय रिफर मयासे सरकार बियातःगु मापदण्डया नालाः उगु हे अस्पतालय उपचार यायूमाःगु न न्हयथंगु दु। थ्व छगू बांलाःगु पक्ष खः। तर स्वनिगल्य अप्वया वनाच्वंगु कोरोना संक्रमितया दर स्वयंबलय वासः यायगु जक मखु, आइसोलेसनय तयत तर्क स्वनिगल्य तःधंगु समस्या वइगु निश्चित खनेदु। थजाःगु अवस्था स्वनिगःया हालत छु जुइ धइगु अनुमान यासें याकन हे आइसोलेसनया व्यवस्था यायूमाःगु खनेदु। स्वनिगल्य ततःधंगु अस्पताल दुसां न कोरोना ल्वगिपिनिगु नितिं पर्याप्त मात्राय बेड मडु।

थजाःगु अवस्थाय केन्द्र, संघीय व स्थानीय सरकार याकन हे विकल्प मालेमाःगु खनेदु। थुकिया नितिं दकलय न्हापां कोरोना संक्रमित जूपिन्त रोगया अवस्था स्वयाः वर्गीकरण यायूमाःगु व भेन्टिलेटरय हे तयूमाःपिन्त अस्पताल भर्ना यायगु यायूमाः। तर आइसोलेसनय तयाः वासः यायू माःपिनिगु नितिं थौंकन्हय स्कूल चलय मज्जु हुनि ततःधंगु सुविधायुक्त व्वनेकुथियात छ्यलेफइ। स्वनिगल्य धायगु खःसा बांलाःगु लकस दुगु नाप कम्पाउण्ड दुगु यक्व हे ततःधंगु व्वनेकुथि दु। अथे हे, दयकूगु इलय तसकं बयबय जूगु यँया मांकाःद्यः (तिंख्यःया महाकाल द्यः) न्हयःने च्वंगु आमी अस्पतालयात न छ्यलेफइ। ब्यापारिक दृष्टिकोणं दयकातःगु उगु भवन न्हापा ला अस्पताल अथेहे नर्सिड कलेजया नितिं हे छ्यलातःगु खः। अथे हे स्थानीय सरकारया इनापपाखें थजाःगु यक्व हे थाययात छ्यलेफगु अवस्था दु। तर थुकिया नितिं समन्वय जक माःगु खः। थजाःगु महामारीया अवस्थाय थजाःगु चिचिधंगु खँय जक व्यवस्थापन यायूफत धाःसां न महामारीया विकराल समस्यापाखें बचय जुइफइगु खँय निगू मत मडु। थुकिया नितिं केन्द्र, प्रदेश व स्थानीय सरकार इलय हे विचाः यानाः पलाः न्हयाकेमाःगु थौंया आवश्यकता न खः।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ। छिकपिंसं छ्वयादीगुयात थुगु वाःपतिइ थाय बियाच्वना। पिदंगु च्वसुयात उचित पारिश्रमिक बीगु न सुचं बियाच्वना।

लहना वाःपौ

भोछें, यँ

lahana.news@gmail.com

पार्टी की सत्ता

कोरोना भाइरसया थ्व इलय पार्टी दुनेया ल्वापू पार्टीया सत्ता व सरकारी सत्तायात गथे यानाः छ्यलेगु व रणनीतिक कार्ययोजनाया आज्जु पूर्वकेत कार्यनीतिक ज्या छ्यला वनेगु, पार्टीया विधि सञ्चालन गजाःगु जुइ धइगु विषय खः।



उपेश महर्जन

‘रोम भिं न्वयाच्वंगु दु, तर उकिया छुं मतलब मयासे जुजु निरो बाँसुरी पुयाः लय तायाच्वंगु दु।’ धइगु खँ थौंकन्हय नेपाःया राजनीतिक वृत्तय आपालं छ्यलाच्वंगु धापू खः।

हलिन्यकं जःलाखःला देय चीनया शहर वुहानं खनेदुगु कोरोना भाइरस (कोभिड-१९)या ‘प्यान्डेमिक’या इलय नेपाल न बिस्कं च्वनिगु जुइ फइमखु, जुइन मखु, छायाःसा मेगु जःलाखःला देय भारतया फुक्ककथंया लिचवः नेपालय लाइगु जूगुलिं। अथे हे जुल, नेपालय थुगुसी राजनीतिक, साँस्कृतिक, आर्थिकरूपं लिचवः लाइगुथें कोरोना भाइरसया सङ्क्रमण उत्तरपाखें स्वयां दक्षिणपाखें अक्वः दुहाँ वल। थुकी दक्षिणलिसें समुद्रपारपाखें न आपालं सङ्क्रमितपिं दुहाँ वल।

शक्ति सङ्घर्ष, गुट उपगुटया ल्वापु, सरकारया ज्या धिसिलाक्क मज्जु हुनि नेपाःया थ्व ई अतिक बाँमलाःगु अवस्थाय लानावंगु दु।

पार्टी धइगु ‘विपरितहरूको एकत्व’ अर्थात् ज्वःमलाःपिनिगु छपें छधी धाइ। थ्व ज्वःमलाःपिनिगु दथुइ न्हिथं पार्टीइ एकता, संघर्ष, रुपान्तरण जुयाच्वनी। पार्टीया रणनीतिक आज्जु पूर्वकेत दीर्घकालीन, अल्पकालीन कार्यनीतिक योजना पूर्वकेत निगू पक्ष दथुइ बिस्कं बिस्कं ल्वापु जुयाच्वनी। छगू हे मार्गनिर्देशक सिद्धान्त जूगु पार्टीतर्क गथे यानाः उकियात न्हयाकेगु धइगु विषयस कचवं लाइगु स्वाभाविक जुइ धाःसा निगू सशस्त्र संघर्ष यानाः थौंया इलय स्वब्वय निव्व बहुमत दुगु थ्व पार्टी भन् कचवं दइमखु धाय फइमखु, अवश्य दइ, दयूमाः।

‘जनताको बहुदलीय जनवाद’ व ‘नीछागु शताब्दीया न्हूगु जनवाद’या निगू मार्गनिर्देशक सिद्धान्त दुगु नेकपाया ल्वापु धइगु थ्व हे लँपु खः। तर थ्व इलय ल्वापू स्वयो न पार्टीया सत्ता खः। पार्टीया सत्ता धायबलय छु धइगु न्हयसःचिं अवश्य न पिहाँ वइ। पार्टी एकता जूगु इलय जूगु सम्भौता, निम्ह नायः दथुइ जूगु गौप्य सम्भौता, निर्वाचनलिपा वःगु दुई तिहाईया सरकार, सरकारया ज्याइवः, समाजवादी

सहमतिकथं निम्ह नायः दथुइ बिच्छ बिच्छ ई सरकारयात न्हयाकेगु धइगु जुयाच्वन। निम्ह नायः न्यादैय निम्ह प्रधानमन्त्री जुइगु जुयाच्वन। तर दुई तिहाई व जनताया मनोभावनाकथं छक्कः छम्ह सरकारया नेतृत्व याइम्ह स्वयगु जनताया इच्छाकथं मेम्ह नायः न व त्वःताः नायः जक मज्जुसें कार्यकारी नायःजक जुइगु व मेम्ह प्रधानमन्त्रीजक जुइगु मेगु सम्भौता जूगु खः। छम्ह सरकारया नेतृत्व याइम्ह नायः व मेम्ह पार्टीया नेतृत्व याइम्ह, धायबलय सरकारया सत्ता छम्हसिगु ब्वहलय व पार्टीया सत्ता मेम्हसियागु ब्वहलय धइगु खः।

थ्व बांलाःगु छगू दसू खः नेपाःया राजनीतिक वृत्तय। तर थुकिं न ज्या याय मफुत। पार्टीया विधि, प्रक्रिया, सिद्धान्त, कार्यशैली, कार्ययोजना, कार्यदिशा, कार्यनीति व रणनीतिक कार्ययोजना, पार्टीया मार्गनिर्देशक सिद्धान्तयात न्हयाकायकेगु विषयस हाकन एकमना व्यक्तिवादी प्रवृत्ति खनेदत। अल्पमत व बहुमतया पार्टी पक्षधरताया खँ पिहाँवल। नेकपा पार्टी लेनिनवादी पार्टी सञ्चालन पद्धति नालाकाइगु पार्टी खः, तर अन थ्व पद्धति न ज्या याय मफुत। याके न मफुत। लेनिनवादी पार्टी सञ्चालन यायगु खःसा पार्टी सत्तापाखें अल्पमत पक्षयात कारवाही यानाः बहुमत पार्टीयात न्हयाकेमाःगु खः।



थ्व ई धइगु मेगुकथंया ‘थर्ड वर्ल्ड वार’ न धायगु यानाच्वंगु दु। पश्चिमी पुँजीवादी साम्राज्यवाद (लोकतन्त्र) व पूर्वीय समाजवादी (चिनियाँ मोडेलया लोकतन्त्र)या दथुइ ल्वापूया उत्कर्षया कथं भाइरस ल्वापू धायगु न यानाहःगु दु। थुकिया स्वतन्त्र पुष्टि ला वइगु दिसस खनेदइ। थ्वलिसें खनेदयक हलिन्यकया प्यान्डेमिकया इलय नेपाल व भारतया सीमा कचवं, लिपुलेक, कालापानी व लिम्पियाधुरालिसेंया भूभाग कय्च्यानाः नेपाःया न्हूगु राजनीतिक नक्सा सार्वजनिक (अङ्ग्रेजी संस्करण) यायगु, पीगू प्रतिशतपाखें पार्टी कुचा थलेगु अध्यादेश जारी व लिप कायगु, संघीय समाजवादी पार्टी तःछयायगु कुतः, संघीय समाजवादी व राष्ट्रिय जनता पार्टी आकाभाकां छपें जुइगु, नेपाली काँग्रेसया आन्तरिक पंगः, सत्तासिन नेपाल कम्युनिष्ट पार्टी (नेकपा) या अन्तरपार्टी सङ्घर्ष, सरकारया थौथी कथंया ज्याइवःत जूगु खनेदत।

सत्ता इतर पार्टीपिनिगु ज्यातर्क सरकारयात ग्वाहालि यानाः कोरोना भाइरसयात पनेमाःगु इलय स्वयम् सत्तासिन नेपाल कम्युनिष्ट पार्टी (नेकपा) दुनेया

पार्टीया निम्ह नायः जुइमफइगु मखु, तर पदया बाँडफाँड यायूमाः। निम्ह नायः जूबलय छम्ह प्रधानमन्त्री व मेम्ह कार्यकारी नायः जूगु बाँमलाःगु मखु। थ्व हलिन्यकं जुयाच्वंगु छगू अभ्यास न खः।

थ्यंकेगु न्यूनतम लँपु, पार्टी कार्यकर्ताया व्यवस्थापन, पार्टी एकताया ल्यंदगु ज्या, सरकारी नियुक्ति, पार्टी सञ्चालनया विषय आदि न कचवंया विषय खः। पार्टीयात गथे यानाः न्हयाकेगु, छु विधि, छु संरचना, छु प्रक्रिया धइगु न खँ वइ। पार्टीया सत्ता धइगु थ्व हे खः।

पार्टीया निम्ह नायः जुइमफइगु मखु, तर पदया बाँडफाँड यायूमाः। निम्ह नायः जूबलय छम्ह प्रधानमन्त्री व मेम्ह कार्यकारी नायः जूगु बाँमलाःगु मखु। थ्व हलिन्यकं जुयाच्वंगु छगू अभ्यास न खः। तर सरकारी सत्ता व पार्टी सत्तायात थःगु हे कथं न्हयाकेत कुतः यायगु व मेगु निगुलिं थःगु छुं न भाला काय्मखंगु विषयया हुनि पार्टी दुनेया ल्वापु उत्कर्षय थ्यंगु खः।

‘जोगी जुइत सुं न’ राजनीतिइ वनिमखु।’ लिपांगु इलय नेकपा दुने थ्व बाध्यता वःगु खनेदत। पिहाँ वःगु गोप्य

अल्पमत न बहुमतया निर्णययात अक्षरशः पालना यायमाःगु खः। तर थथे यात धाःसा दुई तिहाईया सरकारं क्वदइगु व सत्ता लिप्सा जक जुइगु व जनताया न्हयःने अराष्ट्रिय तत्वया बिल्ला लाइगु न ग्याचिक्कु वःगु खनेदत।

अथे जूगु हुनि नेकपा पार्टी दुनेया शक्ति संघर्ष थ्व च्वसूया न्हयःने न्हयथनाःगु विषयथें न जूगु दु, अले मेगू च्वय छ्यलाःगु धापूथें न जूगु दु। मुक्कं यानाः कोरोना भाइरसया थ्व इलय पार्टी दुनेया ल्वापू पार्टीया सत्ता व सरकारी सत्तायात गथे यानाः छ्यलेगु व रणनीतिक कार्ययोजनाया आज्जु पूर्वकेत कार्यनीतिक ज्या छ्यला वनेगु, पार्टीया विधि सञ्चालन गजाःगु जुइ धइगु विषय खः। अल्पमत बहुमतया खँ न थ्व मखु। सरकार कथलेगु विषय न मखु थ्व। तर थ्व इलय जक पाय्छि मखु कि धइगु जक सः खः।

थौकन्हय्या ल्याय्म्ह
पुस्ताय् लोकं व्हाःगु
'मैचा'या आगं खँ

‘स्वां स्वयाः छ हे लुमनावल, मन जिगु सिच्चुसे च्वनावल..... गन वनेत्यना गन वनेत्यना ।’ स्ये प्रिमियर जुयाः २४ घौ दुने हे थुकिया भ्यूज १५६: पुलेधुंकूगु खः । भ्यूज धमाधम तहांवलिसे इमर्ज ब्यान्डया दक्व दुजःपिं लय्ताइगु ला स्वाभाविक हे खत । १ लाख भ्यूज ला थ्यनी जुइ धइगु सकसिगु बिचाः । व १ लाख भ्यूज ला फिन्हं हे थ्यन । धाधां निलाया दुने १८ लाख हे थ्यन ।



बिराजकाजी राजोपाध्याय

लकडाउन आपा:सिया
निर्तिं थाकूगु ई खः ।
यायेमा:गु गुलिखे
ज्याखंत यायेमखंगु । तर
उजन व इमर्ज ब्यान्डया
निर्तिं धा:सा थुगु ई
गोल्डेन टाइम हे जुल ।
छायधा:सां लकडाउनया
इलय् थुगु म्ये श्रृजना
जुल व सार्वजनिक
जुया: थपाय्सकं लोकं
व्हात ।

उज्जैन शाक्य । शौक-कन्हैया ल्याय
महतयसं थुगु नां मन्यंगु खडिमखुत । शौक-कन्हय
तसकं लोकं व्हाः थुगु नां । उज्जैनया शौक-कन्हय
फेसबुक चायेकल धाः सा टन फ्रेंड रीक्वेस्ट
वयाचवनी । गुगु एस्सेट यायेगु, गुगु मयायेगु
अलमल । दक्वं एस्सेट या, छक्वं न्याहः
हे थ्यनी । फेसबुकय न्याहः पासापिं थ्यनकि
न्हूपिं पासापिं दयेकेजीमखुत । एस्सेट मयाः,
पासा जुइत मन क्यपिनि नुगलय स्याइला
धङ्गुयाः चिक्कु । पेन्डिङ्ग लानाच्वंगु रीक्वेस्ट
हे द्वः छि मयायेधंकल ।

‘फ्रेन्ड रिक्वेस्ट छवयाहईपिं मिजंत
अप्प: दु लाकि मिसात?’ थुगु न्ह्यसलय्
मुसुक्क न्हिला: उजनं धाल, ‘मिसात हे
जक द।’

‘प्रपोज नं यानाहः गु दु कि ?’ मछाः
पहः वयूक उजनं लिसः बिल, ‘प्रपोज ला
मयाः नि आः तक्क, नापलायेमाल धाः पिं
धाः सा दु का ।’

थौकन्हय् संगीत खयलय् खुब बयबय
जुयाच्चंगु दु उजन शाक्य। वय्कःया छपु
म्ये थौकन्हय् तसक हे लोकंहानाच्चंगु दु।
'गन वनेत्यना गन वनेत्यना गन वनेत्यना रे,
मैचा। वनेमते आःला, हथाय् चायेमाःला
गन वनेत्यना रे'

खः, थुगु म्ये हालादीम्ह हालामि हे खः
उजन शाक्य । विश्व संगीत दिवस (जुन २१)
या अवसर लाकाः उकिया निन्हु न्यः जुन
१९ या बहनी थुगु म्येया लिरिकल भिडियो
युट्युबपाखें सार्वजनिक जुल । थौया दिनं
थुगु म्ये युट्युबपाखें सार्वजनिक जगु निला
दत । निलाया दुने यूट्युबय् थुगु म्येया भ्यूज
१८ लख थ्यनेधुकल । निलाया दुने १८ लख
भ्यूज धइगु छुं ख्याः खँ मखु । उलि जक मखु,
थुगु म्येया काराओके भिडियोया भ्यूज ३६ द्दः
पुलेधुकल । टिकटकय् इल्लदः थ्यनेधुकल ।
म्ये कभर याःपिं ला गुलि खः, ल्याःखाय् हे
फइमखुगु जुल ।

मर्चाणिसें वयस्क दै पुचःया मनूतयूग
तकं नुगः त्याकेत ताःलाःगु थुगु म्ये इमर्ज
ब्यान्डयागु खः । थुगु म्ये हालादीम्ह
नकतिनिया ल्याय्म्हचाम्ह उजन शाक्य
खः । थुगु म्ये हालेगु जक मखु, दक्व हे ज्या

उजन शाक्यं हे यानादीगु
दु । लय् दयेकेगु, म्ये
च्वयेगु, म्यूजिक अरेंज
यायेगु, गितार थायेगु, म्ये
हालाः रेकर्डिड यायेगु
अले मिक्सिड यायेगु ।
वान म्यान आर्मी हे धाःसां
पाइमखु थुगु म्येया निति
उजनथात ।

श्वयां न्हयः इमर्ज
ब्यान्डं 'शौकन्हय' बोलया
नेवाः म्ये दयेकूगु खः ।
व म्ये भचा स्तो टेम्पोया
जुल । श्व म्ये दयेकेधुंकाः
उजनयात भचा फास्ट
बिटया रोमान्टिक म्ये दयके
मास्तेवयाच्चंगु । थुगु म्ये
मे महिनाया ९ तारीखकुन्हु
युदयुबय सार्वजनिक जूगु
खः । थुगु म्ये नं लकडाउनया

इलय् हे श्रृजना जुयाः पिदंगु
जुल । आः लकडाउन न्ह्यायानाचवंगु ई ।
पिहां वनेज्यूगु मखु, उखेंथुखें जुइगु ई न
मखु । उजनया ज्या हे म्येत श्रृजना यायेगु ।
लकडाउनया इलय् थ्व हे ज्याय् ई बिल ।
अले भचा फास्ट टेम्पोया म्ये दय्केगु मन
न जुयाचवंगु । उजनं दक्कले न्हापां छ्मू लय्
दयेकल । व लसय् च्वसा न्ह्याकार्यकल,
'स्वा' स्वयाः छ हे लुमनावल, मन जिगु
सिचुचुसे च्वनावल..... गन वनेत्यना
गन वनेत्यना ।' वयां लिपा म्यूजिक अरेज
यायेगु, रेकर्ड यायेगु दक्वं यायेधुंकाः करीब
निवाः ति धुंकाः म्ये तयार जुल व युट्युबय्
सार्वजनिक नं जुल ।

म्ये प्रिमियर जुयाः २४ घौ दुने हे शुक्रिया
भ्यूज १५६ः पुलेधुंकूगु खः । भ्यूज धमाधम
थहांवीलसे इमर्ज ब्यान्डया दक्व दुजःपिं लय्
ताइगु ला स्वाभाविक हे खत । १ लाख भ्यूज
ला थ्यनी जुइ धइगु सकसिगु बिचाः । व १
लाख भ्यूज ला फिन्हुं हे थ्यन । धाधां निलाया
दुने १८ लाख हे थ्यन । म्ये शुलि लोकं व्हाइ
धइगु बिचाः दुगु खःला ले धइगु न्त्यसलय्
उजर्न धाल, ‘१ लाख ति भ्यूज थ्यनी



धङ्गु बिचाः दुगु खः, तर थपायूसकं थ्यंक
लोकंवाइ धङ्गु ला कल्पना हे मयानागु ।’

मैंचा म्यें याना: इमर्ज ब्यान्डया मेमेगु
म्येयात घ्वा:गु दु । मैंचा म्ये पिहांवये
न्ह्य:तक्क इमर्ज 'शौकन्ह्यू' म्येया भ्यूज
६० द्र: ति दुगु ख: । आ: थुगु म्येया भ्यूज नं
२ लाख ६१२: पुलेधुंकल । इमर्ज ब्यान्डया
युदयुब च्यानलया सब्सक्राइबर नं ह्वात हे
थहांगु दु ।

लकडाउन आपाःसिया नितिं थाकूंग ई खः । यायेमाःगु गुलिखे ज्याखँत यायेमखंगु । तर उजन व इमर्ज ब्यान्डया नितिं धाःसा थुगु ई गोल्डेन टाइम हे जुल । छायाःसां लकडाउनया इलय थुगु म्ये श्रृजना जुल व सार्वजनिक जुयाः थपायसकं लोकं न्हात । तर लकडाउनं यानाः इमर्जयात घाटा नं जुल ला धायेफइ । छायाक गायक, वा संगीतकःमिपिनिगु आम्दानीया बांलाःगु श्रोत धइगु स्टेज ज्याइवःत हे खः । आः लकडाउनया हुनिं स्टेज ज्याइवः मज्जुग जक मखु, याकनं जुइफइगु स्थिति हे खनेमदुनि । यदि आः सामान्य परिस्थिति खःसा मैचा म्ये लोकंन्हाःगुलिसँ इमर्ज ब्यान्डयात स्टेज

ज्याइवल्यु अफर यक्व वड्गु खइ । उकिया नापं ज्याइवःपाखें पारिश्रमिक वड्गु लिसें आर्थिक पक्ष्यु नं बांलाइगु खइ । लकडाउन व कोरोना महामारीया हुनिं थथे जुइमफुत ।

तर शुगु खँय उजनया धाःसा बिचाः पाः ।
 शुगु म्ये लोकं व्हाःगु हे लकडाउनं यानाः नं
 खः धइगु उजनया बिचाः दु । 'लकडाउन
 मजगु खःसा जिं शुगु म्ये दयेकी ला मदयेकी
 ला धइगु नं खँ दिन । अले लकडाउनय् दक्वं
 छँय छँय च्वनाच्वंगु अवस्थां नं शुगु म्ये थुलि
 लोकं व्हायेत ग्वाहालि जगु खः धइगु उजनया
 बिचाः दु ।

युट्टयुबपाखें कमाइ नं जूगु दु ला ?
 न्ह्याबलें न्ह्यू ख्वाः वःगु उजनया ख्वालय्
 मेगु हे कथंया न्हिला ब्वाँय्वन अले धाल,
 'मैचां म्यें कमाइ ब्यूगु दु युट्टयुबपाखें, तर गुलि
 धायेमखुका न्हि ।'

‘आः भविष्यया योजना छु दु ले ?’
उजर्न थःगु योजना न्यंकल, ‘म्ये दयेकेगु,
न्ह-ह्गु म्ये दयेकेगु।’ उजर्न स्वानायंकल।
‘तर आः म्ये दयेकेत थाकुल। न्हापा थें
यानाः मजिल। मैचा थुलि पपुलर जुगुलिसें
च्यालेन्ज अजःगु दु, आः जिं मेहनत नं यक्व
याये हे माः।’



स्वास्थ्य और कुटुंब कल्याण विभाग
भारत सरकार

आयो नून खाईं स्वस्थ रहौं

आयो नून खाईं
स्वस्थ रहौं





नौदान आयोदित खानाजीन

गर्भवसन्तन आयो 'आयो नून' यखनो जलमखी रहने नून

आयोदितनखत खनीखनः तुखे विवर्धितरः

१. नून छुने, तुम बन्धु जखन, नून नून बन्धु बन्धु जखन, आयोदित बन्धु बन्धु नून नून ।
२. नखन नून, नून, नून नून नून नून, नून नून नून नून ।
३. नखन नून नून नून नून नून नून नून नून नून नून नून नून ।
४. नखन, नून, नून नून नून नून ।
५. नखन नून नून । (A) नून नून नून ।
६. नखन नून नून नून नून नून नून नून नून नून नून नून ।
७. नखन नून नून नून नून नून नून नून नून नून नून नून ।

नखन नून नून नून नून नून नून नून नून नून नून नून नून । नखन नून नून नून नून नून नून नून नून नून नून नून नून । नखन नून नून नून नून नून नून नून नून नून नून नून नून ।

सौख्य रूपांग विवर्धन विनियम

नखन नून नून नून नून नून नून नून नून नून नून नून नून । नखन नून नून नून नून नून नून नून नून नून नून नून नून । नखन नून नून नून नून नून नून नून नून नून नून नून नून ।



राम प्रजापति
प्रोप्राइटर

हारती मिठाई भण्डार

(शुद्ध शाकाहारी)

कालिमाटी चोक, टकेश्वर मार्ग, काठमाडौं ।
फोन नं. : ४२७२१९९, मो. ९८०३९८०६९९

यहाँ:- विवाह, व्रतबन्ध, पाटी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।



लहना
LAHANA WEEKLY

किपा : महेश प्रधान



बिन्नु शाक्य
बेली डान्सर

कोरोना महामारीया दथुइ फुटबल

फिफा व एएफसी नं कोरोनाया महामारी अप्वया वनाच्चंगुलिं कासामि व मेमेपिं सरोकारवालापिनिगु स्वास्थ्य व सुरक्षायात ध्यानय् तया: थुकथं क्व:छयूगु धा:गु दु । फिफा व एएफसीया कथं एशियाली क्षेत्रय् कोरोनाया लिच्च:यात कया: दुग्यंक अध्ययन व अवलोकन याना: जक न्हूगु तिथि क्व:छी ।



प्रजीत शाक्य

कोरोना भाइरसया महामारी याना: हलिंया आपाल क्षेत्र ठप्प हे जुल धा:सां पाइमखु । अथे हे, विश्व खेलकूद नं अलग्ग जुइमफुत । तर छुं महिना लिपा विश्वय् खेलकूदया ज्याखं हाकनं बुलुहुं न्ह्या:गु खनेदत । गुकी मध्ये विश्वय् दकलय् लोकंहवा:गु कासा फुटबल हे सकसिगु ध्यान सालाकाल । विश्वया हे दकलय् प्रतिष्ठित व थिकेगु क्लब फुटबल कासा 'च्याम्पियन्स लिग' थौंकन्हय् चर्चाय् वयाच्चंगु दु । च्याम्पियन्स लिगया लिपा दर्जा बियात:गु यूरोपा लिग नं आ: सेमीफाइनलया चरणय् थ्यंगु दु । विश्वया न्यागू तत:धंगु घरेलु लिग मध्ये जर्मनीया बुण्डेसलिगा, इंग्ल्याण्डया प्रिमियर लिग, इटालीया सिरी ए व स्पेनया ला लिगा क्वचाय्धुकूगु दु ।

यूरोपया शीर्ष लिग मध्ये जर्मनी थुगु सत्रयात पूर्वकूगु न्हापांगु देय् जुल । कोरोना भाइरसया महामारी यूरोपेली घरेलु लिग क्वचाइगु खँय् शंका दयाच्चंगु जुल । तर कासामि व टिम स्टाफपिनिगु मदिक परीक्षण याना: प्रशिक्षण बिा: सामाजिक दूरीलिसें बुण्डेसलिगां लिगयात न्ह्याकूगु जुल ।

जर्मनी मा:कथंया सतर्कता नाला: लिग शुरु याय्धुंका: इंग्ल्याण्डया प्रिमियर लिग, स्पेनया ला लिगा व इटालीया सिरी 'ए' नं बुण्डेसलिगाया ल्यूल्यु वन । कोरोनाया इलय् लिभरपुल स्वीदै लिपा प्रिमियर लिग च्याम्पियन जुल । युभेन्टस लगातार गुक्व: खुसी च्याम्पियन जुया: इटालियन फुटबलया

निर्विवाद जुजु जुल । रियल म्याड्रिड नं स्पेनया ला लिगाया उपाधि त्याका: बार्सिलोनायात हिस्स यानाबिल । रियल म्याड्रिड ३४क्व:खुसी ला लिगा च्याम्पियन जुगु ख: । रियल म्याड्रिड दकलय् अप्व: घरेलु शीर्ष लिग त्याकूगु टिम नं ख: ।

यूरोपया मेगु शीर्ष लिग फ्रेञ्च लिग धा:सा फ्रान्सेली फुटबल संघं पेरिस सेन्ट जर्मेन (पिएसजी)यात 'लिग वन' च्याम्पियन घोषणा याना: दथुइ हे लिग क्वचाय्कूगु ख: । अथे हे, डच फुटबल फेडरेशन नेदरल्याण्डस्या फुटबल लिग सन् २०१९-२०या फुटबल सत्र दथुइ हे क्वचा:गु घोषणा या:गु ख: । कोरोना भाइरसया महामारी ठप्प जुयाच्चंगु यूरोपेली फुटबलय् लिग क्वचायेकूगु नेदरल्याण्ड्स न्हापांगु शीर्ष लिग ख: । आ: थुगु निगुलिं देसया फुटबल संघयात लिग क्वचाय्कूगु धका: कुखिनेगु ज्या जुयाच्चंगु दु ।

खय्त ला शीर्ष लिग हाकनं न्ह्याकेगु छगू बाध्यता नं जुयाबिल । थ:थ:गु सत्र क्वमचातलय् घरेलु लिगयात विलियन डलर घाटा जुइगु स्थिति ख: । अथेख:सां आ: फुकककथंया शीर्ष घरेलु लिग क्वचाय्धुकूगु दु । थौंकन्हय् विश्वन्यंक फुटबल समर्थकत यूरोपेली लिगया मज्जा कयाच्चंगु दु । थ्व फुकक कासा बन्द रङ्गशालाय् स्वास्थ्य निर्देशिका व सामाजिक दूरीया पालना यासें जूगु ख:सा च्याम्पियन लिग व यूरोपा लिग नं स्वकुमिति हे मदय्क हे जुयाच्चंगु दु ।

अनिश्चितताया चाकलय् 'नेपा:या फुटबल'

आ: नेपा:या फुटबलपाखे छक्क: दुस्वय् । नेपा: नं फुटबल धाय्वं हुरक्क हे जुइगु देस ख: । अभ थुगुसी नेपाल दशरथ रङ्गशालाय् फिफा विश्वकप २०२२ व एएफसी एशियाली कप फुटबलया छनोट कासा म्हिताच्चंगु ख: । नेपाल अक्टोबर ८य् चाइनिज ताइपेइ, अक्टोबर १२य् अष्ट्रेलिया व नोभेम्बर १२य् जोर्डनविरुद्ध धेंधेबल्ला याय्गु ज्याइव: दुगु ख: । दक्षिण एशियाली देय् भुटान, माल्दिभ्स व श्रीलंक्या नं फुटबल



आ: नेपा:या फुटबलपाखे छक्क: दुस्वय् । नेपा: नं फुटबल धाय्वं हुरक्क हे जुइगु देस ख: । अभ थुगुसी नेपाल दशरथ रङ्गशालाय् फिफा विश्वकप २०२२ व एएफसी एशियाली कप फुटबलया छनोट कासा म्हिताच्चंगु ख: । नेपाल अक्टोबर ८य् चाइनिज ताइपेइ, अक्टोबर १२य् अष्ट्रेलिया व नोभेम्बर १२य् जोर्डनविरुद्ध धेंधेबल्ला याय्गु ज्याइव: दुगु ख: ।

गतिविधि न्ह्याय्धुकूगु ख: । थुगु हे दबाबय् अखिल नेपाल फुटबल संघ (एन्फा) नं राष्ट्रिय फुटबल टिमया प्रारम्भिक टिमयात बन्द प्रशिक्षणय् स:तल । शहीद स्मारक बी व सी डिभिजन लिग क्वचाय्केगु खँय्

सहलह जुल ।

राष्ट्रिय टिमया अभ्यास शुरु याय्गु खँय् एन्फा प्रशिक्षण बीगु इलय् कासामि व मेमेपिं कर्मचारी नालेमा:गु मापदण्ड दय् कल । एन्फा भवन, एन्फा आवास व एन्फा ज्याकुथिइ वास: छ्वाका: एन्फा परिसरयात संक्रमणमुक्त दय्कल । कासामि, प्रशिक्षक, टिम स्टाफ व एन्फा कर्मचारीपिनिगु कोरोना परीक्षण यात । ५४म्हेसित या:गु परीक्षण मध्ये छम्ह कासामियाके कोरोनाया संक्रमण खनेदत । कासामिया इनापकथं थन उम्ह कासामिया नां न्ह्यमथनानु जुल ।

थुकथं नेपा:या फुटबल गतिविधि हाकनं न्ह्याकेगु तयारीकथं न्ह्या:वनाच्चंगु जुल, तर वंगु बुधवा: विश्वया सर्वोच्च फुटबल संस्था फिफा व एशियाली फुटबल महासंघ (एएफसी)पाखे मंका:कथं विश्वकप २०२२ व एएफसी एशियाली कप फुटबलया छनोट अन्तर्गत निगूगु चरणया ल्यंदनिगु कासा स्थगित याय्गु क्व:छित । आ: विश्वकप

छनोट कासा सन् २०२१य् जक याय्गु थाल । अथेख:सां उगु कासाया तिथि धा:सा क्व:छयूगु मदुनि । थुगु क्व:छिनाया नापनाप नेपाल दशरथ रङ्गशालाय् म्हितकीगु स्वंगुलिं कासा प्रभावित जुल ।

फिफा व एएफसी नं कोरोनाया महामारी अप्वया वनाच्चंगुलिं कासामि व मेमेपिं सरोकारवालापिनिगु स्वास्थ्य व सुरक्षायात ध्यानय् तया: थुकथं क्व:छयूगु धा:गु दु । फिफा व एएफसीया कथं एशियाली क्षेत्रय् कोरोनाया लिच्च:यात कया: दुग्यंक अध्ययन व अवलोकन याना: जक न्हूगु तिथि क्व:छी ।

विश्वकप छनोट कासा लिज्याय्धुंका: एन्फा नं मेगु निर्णय यात, 'बन्द प्रशिक्षण शुरु मयाय्गु ।' प्रशिक्षण शुरु मजुनिबलय् हे स्थगित जुइवं होटलया क्वारेन्टाइनय् च्वनाच्चंगु कासामित थ:थ:गु छँय् लिहाँवंगु दु । थुकिं याना: नेपा:या फुटबल गतिविधि नं हाकनं अनिश्चित जुयाव्युगु दु ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्वार्टरिङ्ग पनि गरिन्छ ।

(क) व्यापारी त्यासा

(ख) हायरपचेज त्यासा

(ग) आवासीय त्यासा



(घ) शेयर त्यासा

(ङ) मुद्दती रसिद धितो त्यासा

(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछै, पाको, न्हूसतक, यै, नेपा:

फोन ल्या: ४२३१०३६, ४२२२०६५, ४२१६१६७, फ्याक्स : ४२१६१६७



बुद्धि
नेसं १०६३
कौलागा आने

बिचा: हायेका





मदुगु दि
नेसं. ११४८०
गुलाथ्व चतुर्दशी

हलिं नेवा: दबू (वर्ल्ड नेवा: अर्जनाइजेसन)या सल्लाहकार प्रा. प्रेमशान्ति तुलाधरया जहान

अकलमान तुलाधर

७७ दँया बैसय् आकाभाकां मदुगुलिं दु:संक:पिं सकल छँज:पिन्सं जुग: चीफयेमा: धासें मदुनहेसिया आत्मा सुखावति भुवनस बास लायेमा धका बिचा: हायेका चवना ।



सिजन श्रेष्ठ, केन्द्रीय नाय:

हलिं नेवा: दबू

सकल ज:

प्रसूति गृहस पीसीआर परीक्षण याइगु



परोपकार प्रसूति तथा स्त्रीरोग अस्पताल थापाथलीइ वासः याय्गु नितिं वईपिं सेवाग्राहीपिन्त आः अस्पतालय् हे पीसीआर परिक्षण याय्गु सुबिधा दइगु जूगु दु । कोभिड-१९ परिक्षणया नितिं अत्यावश्यक पीसीआर ल्याब अस्पतालया ६१क्वःगु दैमुंज्याय् स्वास्थ्य तथा जनसंख्या मन्त्री भानुभक्त ढकाल व यें महानगरपालिकाया प्रमुख विद्यासुन्दर

शाक्य मंकाःकथं उलेज्या यानादीगु खः । यें महानगरपालिका वंगु साउन ४गते परोपकार प्रसूति तथा स्त्रीरोग अस्पतालय् पीसीआर मेसिनलिसें कोभिड-१९या नितिं माःगु स्वास्थ्यया हलज्वल लःल्हाःगु खः । उगु हलज्वल यें महानगरपालिकानाप भगिनी सम्बन्ध स्थापित जनवादी गणतन्त्र चीन तिब्बत स्वशासित क्षेत्रय् दुगु ल्हासा नगर अनुदानकथं ब्यूगु खः ।

उगु ज्याइवलय् मन्त्री ढकाल प्रसूति सेवाया नितिं विशिष्ट योगदान बिया वयाच्वंगु थुगु अस्पताल स्तरोन्नतिया नितिं सरकार थप ग्वाहालि याय्त तयार दुगु जानकारी बियादिसें महानगरपालिका याःगु ग्वाहालियात कयाः च्छायादिल । ज्याइवलय् यें महानगरया मेयर शाक्य महानगरपालिका नेपाली सेना नाप सहकार्य बरेन्द्र अस्पताल छाउनी मृगौला ल्वगिपिन्त हेमोडाईलासिस सेवा सुरु याःगु, नेपाल एम्बुलेन्स सेवानाप सहकार्य यानाः लकडाउनया इलय् प्राथमिक व आकस्मिक सेवा बियागु, अक्सिजन प्लान्ट स्थापना याय्त गंगालाल हृदय रोग केन्द्रनाप सम्भौता यानागु खँ लुमकादिल । महानगरपालिका प्रसूतियात पीसीआर मेसिन छगः, भिटिएम भिन्ऱ्यासः गः, आरडीटी भिन्ऱ्यासःगू व पीपीइ न्यासःपाः लःल्हाःगु खः ।

वडाध्यक्ष श्रीगोपाल महर्जन थुना मुक्त

यल महानगरपालिका-३या वडाध्यक्ष श्रीगोपाल महर्जनयात वंगु बुधवाः साधारण तारेखय् तयाः थुना मुक्त याःगु दु ।

जिल्ला अदालत ललितपुर वडाध्यक्षयात साधारण तारेखय् त्वःतेगु उज बीव वडाध्यक्ष महर्जन थुनामुक्त जूगु खः । वडा दयकूगु नाता प्रमाणित पौयात लिधंसा दय्काः मिर्गौला तस्करी याःगु द्वपःलिसें उगु ज्याखँय् संलग्नता



वडाध्यक्ष महर्जनयात फसे याःगु धकाः थीथी संगठन वय्कःया समर्थनय् प्रदर्शन तक याःगु खः ।

दुगु द्वपनय् वडाध्यक्ष महर्जनयात वंगु असार २६गते नेपाल प्रहरी मानव तस्कर ब्युरो नियन्त्रणय् काःगु खः । वडा प्रक्रिया पूरा यानाः कानून बमोजिम याःगु नाता प्रमाणितयात मेडिकल माफियाया गिरोहपिन्स कीर्ते यानाः

स्थानीय पूर्वाधार विकास

साभेदारी ज्याइवः क्वचाल

काठमाण्डौ क्षेत्र नं ८ स्थानीय पूर्वाधार विकास साभेदारी कार्यक्रम अन्तर्गत यें महानगरपालिका-१५य् च्वंगु भोलुङ्गे पुल करिडोरय् विष्णुमती लिंकरोड क्रसिङ्ग ब्रिजया दथुइ स्वाय्गु ज्याइवः प्रतिनिधिसभा दुजः जीवनराम श्रेष्ठया उपस्थितिइ क्वचाल । उगु ज्याइवलय् यें महानगरपालिका-१५या वडाध्यक्षलिसें महानगरया प्रवक्ता ईश्वरमान ङ्गोल, वडा दुजः मैयालक्ष्मी महर्जन, विष्णुमति लिंकरोड क्रसिङ्ग ब्रिजया उपभोक्ता समितिया नायः अमृतरत्न ङ्गोल, सचिव राकेशमान कर्माचार्य, दांभरि रीता स्थापित तुलाधर, पदाधिकारीलिसें स्थानीय जनसमुदायया उपस्थिति दुगु खः ।

याय्माःगु...

यःसिं थनेवं जात्रा न्ह्याका हे वनेमालीगु खनेदुबलय् यःसिं नं मथनेगु खँ जूगु समितिया नायः शाक्य कनादिल । नियमित रुप जात्रा याय्गु खःसा भाद्र ३ गते यःसिं काःवनेमाःगु खः । ईन्द्रजात्रालिसें स्वानाच्वंगु २९ गुथिखलःतय् दथुइ सहलह जूबलय् यःसिं थनाकथं वंगलय् आजुद्यः पिने तय् हे मालीगु अले थ्वलिसें धमाधम जात्राया गतिविधि माःहनावनीगु खनेदय् वं यःसिं मथनेगु निर्णय जूगु खः ।

आः दुने याय्गु पूजा जक यानाः थुगुसीया जात्रा स्थगित हे याय्मालीगु स्थिती वःगु शाक्य धयादिल । कुमारी, गणेश व भैरवयात तलेजुइ हयाः याय्माःगु पूजा नं कुमारीयात कुमारी छैय् हे व गणेश व भैरवयात नं छैय् छैय् हे वनाः पूजा याय्गु निर्णय जूगु वय्कलं जानकारी बियादिल । थःनेयाः, क्वःनेयाः व नानिचायाःया दिनय् नं दुने याय्माःगु पूजा जक याय्गु वय्कःया धापू खः । थुकथं थुगुसीया यैयाः नं औपचारिकताय् हे सिमित जुइगु जूगु दु ।

लिपांगु दिनय् वयाः कोरोनाया इपिसेन्टर हे स्विनिगः व उकीसन दक्कले आपाः यैय् हे संक्रमित खनेदयाच्वंगु ल्याखं नं थुगुसी जात्रा याय्गु धइगु हे तःधंगु जोखिम फय्गु ज्या जुइगु खनेदु । लिपांगु छुं दिंया तथ्याङ्कयात स्वय्गु खःसा दक्कले आपाः संक्रमित लुयाच्वंगु थाय् हे यें जुयाच्वंगु दु । न्हिं सच्छिया हाराहारीइ हे थन संक्रमित खनेदइगु जुयाच्वंगु दु । थज्याःगु अवस्थाय् जात्रा याय्बलय् संक्रमण भन न्यानावनेफुगु व थन संक्रमण न्यंगुया दोष हे यैयाःयात वनेफुगु सम्भावना आपाः दु ।

खतुं स्विनिगलय् संक्रमण अप्वः न्यावंगु खँय् सरकारया तःधंगु हे कमजोरी

दु । लकडाउनया इलनिसें हे स्विनिगःया मेयरपिन्स स्विनिगःया नाका शिल्ड याय्माःगु माग संघीय सरकारयात तयावःगु खः । आः नं उपत्यका नगरपालिका फोरम थुगु माग लिसा कयाच्वंगु दिन । स्विनिगःया नाका शिल्ड धाःसां व्यवहारिक रुप जुयाच्वंगु मदु । लकडाउनया उल्लंघन यानाः पिने जिल्ला यैय् दुहावःपिं गुलिसिं नाकाया प्रहरीयात धेबा नकाः वयागु धाःगु नं न्येनेदुसा गुलिसिं मन्त्रीया हे पावर कयनाः दुहावःगु न्यूजत नं पिहावःगु दु । उलि जक मखु, मन्त्री व सांसदतय्स हे लकडाउनयात पालना मयाःगु खनेदु । थज्याःगु प्रवृत्तीया लिच्वः कथं आः कोरोनाया हटस्पट यें जूगु दु ।

थ्व ल्याखं गुलिसिं मन्त्रीतय्स न्ह्यागु याय्ज्यू भीगु जात्रा न्याय्केमज्यूला धकाः सामाजिक संजालया अंगलय् च्वःगु नं खनेदत । तर मेपिन्स गलत यात धाय् वं तुं भीसं नं गलत याय्गु खँ ल्हाय् पाय्छि जुइला बिचाः याय्माः । उकिया नाप यदि जात्रा वा पर्वया नामय् भीसं हुलमुल यानाः थन संक्रमण न्यन धाःसा उकिया लिच्वः अप्वः फय्माःपिं नं भी हे खः ।

ईन्द्रजात्रा व्यवस्थापन समितिया दथुइ सावधानि नालाः सुरक्षित तवरं जात्रा न्याय्केगु खँ नं मजुगु धाःसा मखु । सुरक्षित कथं जात्रा न्याय्केगु विधि अले राज्य सुरक्षाया ल्याखं म्हिरेमाःगु भूमिका आदि दुथ्याकाः १२-१३ बुँदासहितया सुभाब नं तयार याःगु खः । थःगु हे सुभाबया ल्याखं जात्रा संचालन याय्गु खँय् थःपिं हे निश्चित जुइमफूगु ईन्द्रजात्रा व्यवस्थापन समितिया नायः शाक्य धयादिल । जात्रा धाय् वं हे सलंसः मनु मुनीगु निश्चित हे दुगु व थज्याःगु अवस्थाय् जात्रा मयाय्गु हे बांलाइगु लिच्वलय् थःपिं थ्यंगु वय्कलं धयादिल ।

आः संक्रमण यैय् जक वा नेपालय् जक न्यानाच्वंगु मखु । मुक्कं हलिं हे कोरोना महामारी आक्रान्त जुयाच्वंगु दु । थज्याःगु अवस्थाय् भी नं थुकिया मारय् लाःगु दु । सुनां छु यात व छु मयात धकाः मेपिन्त पति धस्वाकाच्वनेगु स्वयां संक्रमण नियन्त्रणय् थःपिन्स याय्फुगु याय्गु हे बांलाइ । अय्जुयाः थुगुसी यैयाःया जात्रा स्थगित जुइगु मन मयःगु खँ खःसा अवस्थाया ल्याखं पाय्छि पलाः हे धाय्मालीगु अवस्था दु ।

लुखाय् ...

७९दँ दुम्ह आशाकाजी शाक्य तुतिया ल्वचं कयाच्वंमह खः । वय्कः मुस्किलं वय् वनेगु यानादी । छैय् च्वनाच्वं च्वं दिक्क जुयाच्वनादीम्ह शाक्ययात वय्कःया भौमचां सुं बुद्ध भत्ता बीत वःगु जानकारी याकेवं वय् कःया ख्वालय् न्हिलासु खनेदत ।

शाक्य धयादी, 'जिपिं भत्ता का हे मवनेगु बिचाः यानाच्वनागु खः । तर छैय् हे ब्यू वःगु इलय् जिमित जनप्रतिनिधि वःगु महसूस जुल ।' वय्कलं नं थ्व धेबा समाज विकासय् छ्यलेगु धयादिल ।

थ्व छुं छुं प्रतिनिधि पात्र जक खः । यल महानगरपालिका-१६य् ३सः व २५म्हेंसिगु छै छैय् वनाः भत्ता इनेगु ज्याय् वडा दुजः पञ्चबज्र बज्राचार्य सक्रिय जुयाच्वनादीगु दु । 'बैकं ज्येष्ठ नागरिकया सम्बन्धित मनुतय्त वडाया सिफारिसय् धेबा मबीवं ज्येष्ठ नागरिकपिन्स सास्ति फय्मालाच्वंगुलि जिमिसं थुकथंया अभियान न्ह्याकागु खः ।' वय्कलं धयादिल, 'थ्व जिमिसं चुनावया इलय् बियागु बचं नं खः ।' वय्कःया कथं नगरया अप्वः धइथें शारीरिक अशक्त, ज्येष्ठ नागरिक व एकल मिसापिं भत्ता काय्गु हे निति बैकतक वनेमाःगु थाकूगु जुयाच्वन ।

किपू नगरपालिका-७या विकास निर्माणया निरीक्षणय् प्रमुख महर्जन

किपू नगरपालिकाया प्रमुख रमेश महर्जन किपू नगरपालिका-७य् न्ह्यानाच्वंगु योजनाया जानकारी कयादिल । नगर प्रमुख महर्जन भाजंगलय् पलिस्था याःगु भगवान गौतम बुद्धया इवाता नं अवलोकन यानादिल । थुगु इवाता तय्गु निति वडापाखें न्यागू लखतका ग्वाहालि याःगु खः । थ्व हे इवलय् नगर प्रमुख महर्जन सीगुथि, विष्णुदेवी देगः, इटागोलनिसें भाजंगाःतकया लै तब्याः याय्माःगु, धः तय्माःगु व सतक पेटी दय्काच्वंगु आदिया नं अवलोकन यानादिल ।

किपू नगरपालिका-७या उज्ज्वल स्कूलनिसें दहनतक वनेगु लै ११गू मिटर



तब्याः याय्गु योजना न्ह्यानाच्वंगु दुसा उगु लैपुइ थौकन्हय् रिटेनिङ्ग वाल दय्केगु ज्या जुयाच्वंगु दु ।

उगु निरीक्षण भ्रमणय् किपू नगरपालिका-१या वडाध्यक्ष हर्ष महर्जन, वडा ७या वडाध्यक्ष राजकुमार माली व उगु वडाया दुजःपिं राजकुमार महर्जन, प्रकाश महर्जनया नापनाप स्थानीयबासीपिनिगु ब्वति दुगु खः ।

बुद्धि
नेसं १०६५

मदुगु दि
नेसं. ११४०
गुलागा १२

बिचाः हायेका

हलिं नेवाः दबू (वर्ल्ड नेवाः अर्जनाइजेसन)या स्वक्वःगु तःमुंज्याय् सठमानित जुयादीम्ह पौभा कलाकार

प्रेममान चित्रकार

आकाभाकां मदूगु सँ न्यनाः जिपिं तसकं मर्माहित जूगु दु । दुःखंकःपिं सकल छँजःपिन्सं नुगः चीफयेमाः धासँ मदुम्हसिया आत्मा सुखावति भुवनस बास लायेमा धका बिचाः हायेका च्वना ।

शाक्य सुरेन, नायः
हलिं नेवाः दबू
नेपाः देय् मू कवः

कसैलाई बोक्सीको आरोप लगाउनु निन्दनीय र दयनीय कार्य हो । यसर्थ कसैलाई बोक्सीको आरोप नलगाऔं ।

नेपाल सरकार

सञ्चार तथा सूचना प्रविधि मन्त्रालय

सूचना तथा प्रसारण विभाग



બિચા: હાચ્કા



બુદ્ધિ

નેસં. ૧૦૬૩ કૌલાગા આમૈ
બિ.સં. ૨૦૦૦ કાર્તિક ૨૧



મદુગુદિ

નેસં ૧૧૪૦ ગુલાથ્વ ચતુર્દશી
બિ.સં. ૨૦૭૭ સાડન ૧૮

મદુમ્હ અકલમાન તુલાધર

જિમિ અતિકં હે હનેબહઃઠ્ઠ શ્રદ્ધેય

મદુમ્હ અકલમાન તુલાધરયા

આત્મા ચિર શાન્તિયા કામના યાસેં સુસ્વાવતિ ભૂવનસ બાસ લાચ્મા વ દુસ્વંકઃપિં
વચ્કઃયા તિરીમચ્જુ **પ્રેમશાન્તિ તુલાધર** નાપં વચ્કઃયા સકલ છેજઃપિન્ત સંસાર
અનિત્ય સ્વઃ ધકાઃ સ્મરણ યાનાઃ ધૈર્યધારણ યાચ્ફચ્મા ધકાઃ
બિચાઃ હાચ્કાચ્વના ।

પ્રેમરત્ન/પ્રતિમા સ્થાપિત
મોતીશાન્તી/ગૌતમરત્ન શાક્ય
મનોહરા સ્થાપિત
અનિલરત્ન/શુશિલા સ્થાપિત
પલ્પસા/પ્રશાન્ત કંસાકાર
પલ્લવિ/સર્વન તુલાધર
પ્રનય રત્ન/પૂર્ણિમા સ્થાપિત
મિલા/સચ્ચેન્દ્ર ધાખ્વા
ઉજ્વોલ રત્ન/ઑચ્લ શાક્ય
લુજ્લા/બિબેક તામ્રાકાર

રુપમૈયૌ/કૃષ્ણહરી સ્થાપિત
રેનુકા મૈયૌ/યુરીકાજી કંસાકાર
તારાદેવી તુલાધર
શુશિલા તુલાધર/માણિકરત્ન
ચન્દ્રદેવી કંસાકાર
નિર્મલમાન કંસાકાર
ચિનિયા કંસાકાર
ચિરાગ કંસાકાર
પ્રતિસ્થા કંસાકાર
ઉત્સવ સ્થાપિત

પ્રભાત સ્થાપિત
અમિસ સ્થાપિત
આયુષ સ્થાપિત
સક્ષેમ ધાખ્વા
આર્જન ધાખ્વા
યજુ તુલાધર
અભાની તામ્રાકાર
પલિસ્થા સ્થાપિત
રિતા શ્રેષ્ઠ
હેમા તુલાધર

સ્વચ્છધન તુલાધર
પવિત્રધન તુલાધર
રાજુધન તુલાધર
નિરાજનધન તુલાધર
બિજયમાન કંસાકાર
અમૃતમાન કંસાકાર
સમૃતમાન કંસાકાર
પ્રકાસમાન કંસાકાર
બુદ્ધિરત્ન કંસાકાર